



Inatsisartuni ilaasortaq Ruth Heilmann, Siumut

Inatsisartut Suleriaasianni § 37 naapertorlugu Naalakkersuisunut sanaluttarneq il.il. pil-lugit apeqquteqaatigisarnut imatut akissuteqassaagut:

Den 13. april 2011  
Sagsnr. 2011-046776

Siullermik qujanaq apeqqutinut imak nipeqartunut:

1. Eqqumiitsuliortortatsinnut arnanut angutinullu kusanartuliornerup sanalunnerullu tungaatigut siunnersuineq qanoq ittoq Naalakkersuisut pilersaarutigivaat?
2. Siunnersuinermit aningaasaliissutaasut peerneqarsimasut 2012-mut ikkuteq-qinneqarnissaat Naalakkersuisunit pilersaarutigineqarpa?
3. Siunnersuisutut atorfeqarsimasup Thue Christiansenip siunnersuisutut atorun-naarnerata kingorna siunnersuineq qanoq ingerlanneqarsimava imaluunniit unit-sinneqarsimava? Ilami ingerlanneqaqqinnianngikkuni assut uggornassagami.

Postboks 1601  
3900 Nuuk  
Tlf. (+299) 34 50 00  
Fax (+299) 32 56 00  
E-mail: isiin@gh.gl  
www.nanoq.gl

Apeqquteqaatit suliarineqarsimapput ukiumi 2011-miit siunnersuisarnernut pikkorissaa-sarnernullu atugassiissutigineqartarsimasut peerneqarsimanerannik tamatumali nassa-tarisaanik siunnersortip Thue Christiansenip taamatut atorunnaarneqarsimaneramik paasinninnermik tunngaveqarluni.

Akissut:

Apeqqummut 2-mut tunngatillugu, Naalakkersuisunut apeqquteqarfigivatit, siornatigut pineqartunut eqqumiitsuliortarnernut sanaluttarnernullu siunnersuisarnernut aningaasa-liissutaasarsimasut, AIS 2012-ip suliarineqarneranut atatillugu ikkuteqqinneqassamaar-nersut. Ukiuni pineqartuni ukiumut 1,6 mio. kr.-nit sanaluttarnerup eqqumiitsuliortarne-rullu ineriartortinneqarnissaannut aningaasaliissutigineqartarsimapput. 2011-mi anin-gaasaliissutit aamma taamatut annertutigipput, tassalu 1,6 mio. kr.-nit sanaluttarnernut eqqumiitsuliortarnernullu sammiveqartinneqartut immikkoortinneqarsimapput, pilersaa-rutillu naapertorlugit 2012-mut allannngortinnagit aamma taamatut aningaasaliissuteqar-toqarniarpoq. Taamaattumik oqartoqarsinnaanngilaq nutaamik siunertalerluni pineqartu-nut aningaasaliissuteqaqqittoqarniarpoq – tassami ukiumoortumik siunertamut pineqar-tumut pingaartinneqartumut immikkoortinneqartartut nikisinneqarsimannngimmata.

Apeqqummut 3-mut tunngatillugu apeqquteqaatigisimavat, siunnersortip Thue Christiansenip tunuarsimanerata kingunerisaanik siunnersuisarneq qanoq ingerlanniar-neqarnerisooq, imatut paasillugu siunnersuisarneq unitsivinneqarsimanersooq. Siunnersorti Thue Christiansen, aningaasaliissutit pineqartut iluanni, tassalu sanaluttar-nermut eqqumiitsuliortarnermullu ataqatigiissaarisutut atuussimavoq 2009-ip naanissaa-ta tungaanut. Tamatuma kingorna Thue Christiansen Namminersorlutik Oqartussanik paaseqateqarnini tunngavigalugu ataqatigiissaarisutut tunuarsimavoq. Ukiuni Thue Christiansenip atuuffigisimasamini sulillaarsimanera pillugu nersualaarneqartarsima-qaq. Taamaattumik ataqatigiissaarisutut atorfik 2010-miit allanik isumaqatigiissuteqar-nikkut ingerlanneqarsimavoq. 2011-i aallarnisarfigalugu siunissami pineqartunik inger-


latsisut piginnaangorsarnissamik pisariaqartitsinerat il.il. kommunini tamakkuninnga tunngatillugit siunnersortigineqartut qanimut suleqatiginerisigut pilersaarusioneqartalerput.

Apeqqummut 1-mut tunngatillugu, tamatumani apeqqutigivat, qanoq Naalakkersuisut pilersaaruteqarnersut , arnat angutillu eqqumiitsuliortarnerannut tunngatillugu siunnersorneqartarnerat qanoq pilersaaruteqarfigineqarnersoq.

Naalakkersuisut 2011-mut tunngatillugu pineqartunut aningaasaliissuteqarnermi eqqumiitsuliortariaatsit ineriartortinneqarnissaannut taamatullu tunisiffiusinnaasut tungaanut suliniuteqarnernut atugassiissutit atorneqassasut tunngavilersuutigisimavaat. 2011-mut tunngatillugu assersuutigalugu tuniniaariaatsit nutaat, qarasaasiat saqqummersitseriaasillu aqputigalugit ineriartortitsinissaq aqputissiuunniarneqarsimavoq. Tamatumuuna ilaatigut aqputigineqarlutik GTE-p tuniniaavittaava nutaaq "Pionerring Nation", taamatullu Ecomomusee-mik taaguuserlugit iliuuseqaatigineqartartut ineriartortinneqarnerisigut. Tamakku aqputigalugit sanaluttarnerit eqqumiitsuliorterillu immikkut isiginiartinneqarput. TV-kut aallakaatitassiarineqallattaartoq Taste of Greenland aqputigalugu sanaluttarneq eqqumiitsuliorterlu ilanngullugit saqqumitinniarnearput, ilaatigut upernassakkut Maniitsumi Sisimiunilu suliarineqarnerannut atatillugu tapitartuuneqarnerisigut.

2011-mut tunngatillugu suliniuteqarnerni aammattaaq isiginiarneqartut ilagivaat, qanoq iliornikkut siunnersortit ineriartortitsiuarinissaq siunissaq isigalugu aqputissiuussisogarsinnaanersoq. Tamatumani pineqarpoq utoqqasaanerusut siuaattalu sanaluttarnikkut eqqumiitsuliortarnikkullu ilisimasaat misilittagaallu qanoq inuusunnerusunut ingerlateqqinniarneqarsinnaanersut. Qangaanniilli ilisimasat suliarinneriaatsillu annaaneqartariaqanngillat. Tamakkununnga tunngatillugu kommunit suleqatigalugit pikkorissaanissat pilersaarusioneqarput.

Inussinernersumik inuulluaqqusillunga



Ove Karl Berthelsen